



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pastorale Missionariorvm

Verjuys, Jean-Baptiste

Antverpiæ, 1682

7. De communicatione cum hæreticis quoad spiritualem potestatem
Ordinis.

urn:nbn:de:hbz:466:1-41565

ARTICULUS VII.

*De communicatione cum hæreticis quoad
spiritualem potestatem Ordinis.*

Pro resolutione distinguenda est potestas Spiritualis, prout distinguit S. Thom. 2. 2.q.39.a.3. his verbis. *Duplex est spiritualis potestas; una quidem Sacramentalis, alia jurisdictionis; Sacramentalis quidem potestas est quæ per aliquam consecrationem confertur. Omnes autem consecrationes Ecclesie sunt immobiles, manente re qua consecratur; sicut etiam patet in rebus inanimatis; nam altare semel consecratum, non consecratur iterum, nisi fuerit dissipatum.* Et ideo talis potestas secundum suam essentiam remanet in homine, qui per consecrationem eam est adeptus, quamdiu vivit, sive in scisma, sive in hæresim labatur. *Quod patet ex hoc quod rediens ad Ecclesiam non iterum consecratur.* Valide igitur Hæreticus utitur potestate Ordinis, sed non licet. Quod consequenter ibidem probat: *sed quia potestas inferior non debet exire in actum, nisi secundum quod movetur à potestate superiori, ut etiam in rebus naturalibus patet,* inde est quod tales usum potestatis amittunt, ita scilicet, quod non liceat eis suâ potestate uti, si tamē usi fuerint, eorum potestas effectum habebit in Sacramentalibus, quia in his homo non opera-

170 TRACTATUS IV.

tur, nisi sicut instrumentum Dei. Videatur etiam
3. p. q. 82. a. 7. ubi sequentia argumenta objicit
& solvit: 1. ex S. August. lib. sent. cap. 15. to-
mo 3. Extra Ecclesiam Catholicam non est locus
veri Sacrificij. Et Leo Papa Epist. 38. & habe-
tur 1. q. 1. cap In Ecclesia Dei ubi dicit: In Ec-
clesia Dei quae corpus Christi est, aliter nec rata
sunt Sacerdotia, nec vera Sacrificia, nisi in pro-
prietate sua natura verus nos Pontifex reconci-
liet. 2. Ille qui est extra Ecclesiam, non vide-
tur aliquid posse agere in personâ totius Ec-
clesiae; quia omnes orationes proponit in per-
sonâ Ecclesiae Ergo videtur quod heretici non
possint consecrare Eucharistiam, quod tamen
spectat ad potestatem Ordinis.

Respondet S. D. ad 1. Quod auctoritates
illa & similes, intelligendae sunt quantum ad
hoc, quod non recte extra Ecclesiam Sacrificium
offertur, unde extra Ecclesiam non potest esse hi-
rituale sacrificium, quod est verum veritate fru-
ctus, licet sit verum veritate Sacramenti. Ad
2. Resp. Quod Sacerdos in Missa in orationibus
quidem loquitur in personâ Ecclesiae in cuius uni-
tate consistit; sed in consecratione Sacramenti,
loquitur in personâ Christi cuius vicem in hoc
gerit per Ordinis potestatem; & ideo si Sacerdos
ab unitate Ecclesiae præcibus, missam celebret,
quia potestatem Ordinis non amittit, conse-
rat verum corpus & sanguinem Christi. sed quia
est ab Ecclesiae unitate separatus, orationes ejus
efficaciam non habent.

Objici:

D
Obji
Ordini
saltem
Sacerdo
Ecclesia
bere: fid
dicit co
sit fides
tum, ne
ubi sup
Sacerdo
Sacram
id quoa
effectum
lica int
tur, pre
fidelita
Ecclesia
sufficit
redibit

A

Vtr

H

Objici potest 3. ad valorem usus potestatis Ordinis v. g. circa Sacra menta , requiritur saltem intentio faciendi quod facit Ecclesia : Sacerdos autem hæreticus qui non credit in Ecclesiam , non potest talem intentionem habere: fides enim intentionem dirigit, ut August. dicit contra Julian. ergo cum in hæretico defit fides, nō poterit validē perficere Sacramen tum, nec uti potestate Ordinis. Resp. S Thom: ubi supra q. 64. a. 9. ad 1. s̄i, videlicet hæreticus Sacerdos , patiatur fidei defectum circa ipsum Sacramentum quod exhibet ; licet credat per id quod agit exterius nullum sequi interiorum effectum, non tamen ignorat quod Ecclesia Catholica intendit per hujusmodi quæ exterius aguntur, præbet Sacramentum. Vnde non obstante infidelitate , potest intendere facere id quod facit Ecclesia, licet estimet id nihil esse. Et talis intentio sufficit ad Sacramentum. Sed de hac difficultate redibit sermo infrà tract. de Baptis. art. 2.

ARTICULUS VIII.

Vtrum hæreticus retineat potestatem jurisdictionis spiritualis.

Hæretici nominatim excommunicati , & non tolerati ab Ecclesiâ , amittunt jurisdictionem.
H. 5